

故宮博物院藏

四庫

全書

撤出本

彙編

第三十三冊

故宮博物院編
故宮出版社

故宮博物院藏

四庫

全書

撤出本

彙編

第三十三冊

故宮博物院編

故宮出版社

第三十三册 目錄

書影卷五—卷十

卷五

..... 一

卷六

..... 七七

卷七

..... 一五三

卷八

..... 二二七

卷九

..... 三〇三

卷十

..... 三七七

欽定四庫全書

書影卷五

江南布政司叅政周亮功撰

萬曆二十二年河南饑民皆食雁糞御史陳登雲曾封
進以聞

萬曆二十二年安南進代身金人範用囚服面縛是年
黎惟潭自以恢復放罪視莫登庸有間為立面肅容狀
驗閱嫌其倨令改範俯伏焉鐫其背曰安南黎氏世孫

黎惟潭不得蒲伏天門恭進代身金人悔罪乞恩二十
五字湯義仍得見有詩紀之

登州之文登有于公者草衣木食相傳其能前知洞人
隱微遠近競稱之曰仙多有就公詢禍福者壬午夏錢
公敬忠督學山左試士於登往見公然心頗易之于忽
唾耳語公不知何事公輒膜拜公將出戶于語之曰一
事祈公兒子今年不得與賓興惟公命公笑曰君號前
知郎君今年舉吾任之不則何為此僕僕耶于曰以十

計一黍不當耳寧以一黍故不令之逐隊行况過此以
往吾兒亦復何望哉公領之為錄遺時予以濰邑令分
閱義經文得一卷喜其具前修法首薦之主試劉公謂
闡中卷無踰此者擬元數日忽謂予曰所定元任重道
遠題破誤作聖人奈何然吾不以小疵失異才君房中
第二卷正堪元不如以此為次予方愧校閱之疎力欲
去之公曰君勿執吾當註數語卷上他日有異議予獨
任之予固爭以為不可因即塗乙置之公大為惋惜因

欲以為副卷首而以第二卷為元即王君斗樞也時分
試諸君咸謂元既屬予則副卷之首例應取之別房劉
公固爭之謂不以為副首不足以明予憐才心乃卒以
為副首撤棘後錢公謂予輩曰誰舉副首者此于異人
之子也予以闡中事語公公曰噫于公真異人哉因亦
以所聞於于者語予予曰向使予初閱而得其訛亦竟
置之即劉公初閱而得其訛亦竟置之竟置之則何由
元不擬元何由得首副一泰之說信矣然當時殊不解

其過此已往之言由今思之當時鄉闈實畢於壬午于公已知之數載之前矣豈不異哉于名漪淇

李允高字坦之壽光人予壬午闈中所得士也允高幼聘某氏既聘而某氏以痘雙瞽允高時已為高材生女家謂君當貴顯瞽女不可充下陳盍另圖之允高曰聘固不瞽聘而瞽將誰適耶卒娶之伉儷相得踰不瞽者越數年而允高舉於鄉婦自念瞽不足持門戶欲為允高卜妾允高泣阻之允高奉母尤孝壬午之變烽烟匝

地允高家固貧自御短轅車奉寡母瞽妻避勞山過澠
城繩而上相對泣不止事定又自御短轅歸當顛沛時
無幾微色憾瞽婦為累者後寡母棄世允高哀毀過甚
竟嘔血死子震瞽婦出震字乾一母督之甚嚴能砥行
自勵有聲庠邑邑人稱之然卒歸美於允高孝義之報
云

江陰城潰微戮抗命者邑有戚三郎與婦王篤伉儷夫
婦皆好推施一子甫五齡家所向為關帝君祠戚夫婦

虔事之月朔望未辨明即肅香祠下二十年如一日城
陷戚被兵執舉戚足帶糾其臂數被創擁至通衢見妻
為他兵拽去戚呼號就之復被創前後凡十三創首亦
被刃推擁過帝祠不勝步矣倒地上兵見其氣息僅屬
舍之去戚心獨朗朗念虔事帝得死楹下足矣然度難
死帝顯赫或有以援我日且暮覺祠中有異糾臂帶忽
裂裂聲如弓絃作霹靂鳴戚臂左受創糾縛既斷因得
以右扶首首將墮喉固未絕因宛轉正之心朗朗念帝

顯赫真援我也。黎明兵數過，戚見血痕模糊，謂死矣。不復顧。久之，有老翁趨視，戚憐之，曰：「三郎垂斃矣，盍掖之歸。」戚雖憤然，心識其為北鄰錢翁沈嫗也。頃之，兩人續以薑糜至。越二日，入曰：「兵封刀行，且去郎活矣。」乃不復至。戚首為血糝，乃因之固，漸能起。舉視室中，無一存者。五齡兒固坐足旁，泣而屋中乃僵二尸。辨之，即錢翁沈嫗也。戚恐甚久之，悟兩人殆肅帝命以援予者。因強起，跋躡過帝祠，欲投地，身不能屈，立作叩首狀。首又楚。

若將離乃依檻祝曰身賴帝活惟帝終有以庇予因念
翁嫗死而生我不可久暴露吾室有木可為櫓第安所
得匠憶衆為帝治寢宮城圍工未竟匠或有存者往迹
之見三匠踣戶語戚告以故戚隨戚歸戚指示木所在
匠遽為操作戚匍匐乞米以為食久之不得僅從空室
得冬炒半囊歸入室失三匠而存五櫓戚念約為二而
五之去又不俟予歸耶趨之帝宮官無人三尸仆戶內
外固三匠也戚驚懼是時兵遠去人漸歸乃倩所識以

楷厝翁嫗及匠而瘞之隙地戚數得帝祐神理亦漸旺
復至帝祠能稽首投地矣肅告帝謂帝恩我無極第妻
無由見帝其以夢示歸而夢帝驅之曰疾去數里有
舟待越月之十四日終不得見矣辨明力疾負子行至
津亭見有艤舟柳下若有待者其人為成三戚曰若何
待成曰吾之室被擄而南吾將操舢舨往獨不可往度
邑中失侶者多應有往者故遲之戚曰帝示我矣予為
此子覓母得附行幸矣具告以夢成亦手額曰帝祐君

合浦珠自當還吾即不德藉君庇以分神貺浮萍斷梗
或冀一遇乎言訖相與泣數行下憂患易感意氣殊相
得也抵昇州舟刺鬼面城下乃入市揭示四達之衢曰
江陰戚三郎覓婦王能為驛騎者予多金成亦揭示如
戚有某者見戚所揭示遂見戚曰予我金告爾妻所在
戚雖揭示謬語耳固無從得金語某曰我實無金期一
見婦耳某嘆曰世固有不持金而求得婦者疾起去成
挽之告以戚為帝所指示始昧昧至此實不持金城屠

家破安得金某聞成語悽然憫之曰即告爾妻所在不得爾金易耳固爾無金彼武人赤手返爾妻耶具告以妻所在戚與成徬徨久之某忽曰子何能戚曰能書某曰機在是矣某公者矢願於報恩塔下倩人書百部首楞施四方方覓人子誠善書計可得數金事或可圖歟曷疾去戚乃尾某行而以子屬成見某公以情告試以書書誠工某公既善其書又憫其遇施十金某乃踉蹌携戚至某標郝總旗所郝他出郝婦曰誰耶戚告以故

婦曰誠有江陰王氏者予我金我與爾婦戚喜婦無多
索跪獻金婦持金入久之不出又久之出四顧曰何為
者戚與其戚驚噪婦愕然曰何為者乃誣我得金室固
無爾婦安得爾金命閹者撈逐之戚掩泣怨某相與且
去成方與其子望其與妻俱歸已得故怒目曰不得婦
又失金不直一死耶奈何遂返明日與我俱明日戚携
子偕成往弔訔于門郝方立毬場弄鷹召入成瞪目欲
裂誓而前吾成三是為吾友戚三戚婦在公所昨携金

贖婦公夫人得金又不與婦吾與戚邑陷家破與婦失去死絲粟耳無家死失婦死失金亦死公不與戚婦十步之內以頸血相濺矣突出双靴中欲自殺郝怒張急止之曰安有是吾婦何從昧爾金爾勿自殺吾入詢誠有是吾不以為婦矣乃急入久之間諍諷聲已復聞郝撻婦戚與成咸跪呼於外曰勿撻夫人但願還吾婦足矣食頃郝出氣結擲金於地曰急持去成稽首曰戚急得婦不急金且金歸公室一日夜矣又吐之公大人義